



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz


Ingolstadii, 1726

§. I. De Natura Confessionis, hujus Varietate, & requisitis.

[urn:nbn:de:hbz:466:1-74990](#)

PARS III.

Probationes, & Exceptiones in Lite.



N p̄æcedenti Parte Legislator nosſter Ordinationem Actuum Judicialium tum inter ſe , tum ſecundūm tempus à Judge Ecclesiastico obſervandum oſtendit : ubi multa de varijs quæſtionib⁹ , quæ in Judicium incidere , & antequam ad Caulam principalem proceſſus fiat , decidi nonnullæ ſolent , & debent . His expeditis , ad ipsam cauſam principalem traçandam progredi Judge debet : quod fit audiendo Poſitiones Actoris , in quibus ille intentionem ſuam fundat ; & Exceptiones Rei , quibus iſte illius intentionem conatur elidere . Utræque ferè probari debent . Unde quā fieri hoc debeat , Tertia hæc Pars Libri , quem p̄æ manibus habemus , Decretalium Secundi à Tit. XVIII. uſque ad Tit. XXVI. dilucidius oſtendit .

TITULUS XVIII.

De Confessis.

Aliquando ab onere probandi reus Actorē relevat , quod tum contingit , quando aliquam , vel aliqas ex Poſitionib⁹ ſibi ab Actorē propositis fatetur ; cūm enim opti-

ma probatio ſit proprij oris confefſio , quo ad illa , quod quæ reum fatentem habet , probatione Actor non indiget . Ut autem ſcimus , quæ viſit Confessionis in Ju- dicio , ſit

§. I.

De Natura Confessionis , hujus Varietate , & requiſitiis.

SUMMARIUM.

1. 2. Definitio Confessionis , & ejus Varietas.
3. 4. Quando reus Judici interroganti debeat respondere de criminie ?
5. 6. Quando iſte illum interrogare de Socijs criminis ?
7. 8. 9. Requifta , ut nominans Socios aduersus hos jidem faciat.

10. 11. 12. 13. 14. 15. Requifta univerſim ad Confessionem Judicialem.
16. 17. 18. 19. An Confefſio Judicialis requifit ſententiam definitivam ferendam in conſentente.

Quartetur 1. quid , & quotuplex ſit Confefſio ? 2. Confefſio prout hic accipitur , eſt ejus , quod ab Adversario intenditur , in Judicio , vel extra illud facta aſſeratio . Ita quoad rem DD. communiter , maximè Hil- trop. Proceſſ. Judic. p. 3. tit. 17. §. quæ requiſitantur &c. n. 1. Gonſal. in c. 1. b. tit. n. 4. Haun. tom. 5. de J. & J. tit. 3. n. 5 & 7. Pirk. hic n. 1. Schambog. n. 2. König n. 1. Wief. n. 1. Quatuor autem maxime modis diuidi Confeſſio ſolet .

1. In Discretam , & Indiscretam. Diſcreta eſt , quæ fit cum expreſſione cauſe , ex qua orta eſt obligatio ; Indiscreta , quæ

genericè tantum , & abſque mentione cauſe obligantis . In exemplo , ſi Titius fateatur Cajo ſe eidem debere 100 fl. ex contractu mutui , eſt diſcreta Confeſſio ; ſi mentionem cauſa non faciat , ex qua debet hanc ſummaria , eſt Confeſſio indiſcreta .

2. In Simplicem , & Qualificatam . Simplex Confeſſio eſt , quando quis Adversarij intentionem conſitetur simpliciter , & ſine adjecta qualitate reſtringente , ut ſi Titius fateatur ſe occidiffe Cajum , propter quod ac- culatur : haec confeſſione fundatur Actoris intentio . Qualificata eſt , quando fatetur quidem Actoris intentionem , ſed adjecta con- ditione , vel qualitate aliqua , per quam con- fef-

fessio restringatur, ut si idem Titius fateatur quidem se occidisse Cajum, sed addat id se fecisse, non nisi causâ justæ defensionis.

3. In Expressam, & Tacitam. *Expressa*, quæ etiam *Vera confessio* nuncupatur, est, quæ sit verbis, scripturâ, vel alijs signis declarandæ voluntati accommodis. *Tacita*, quæ & quasi *Confessio* appellatur, est, quæ ex certo aliquo facto elicetur, vel à Lege interveniente singitur: quod varijs modis potest contingere. Et 1. si quis de delicto cum actore transigat, numerando ei pecuniam, vel aliud quid praestando, ut ab accusatione abstineat; cum enim suum jaetare nemo confueverit, is, qui ita transegit cum accusatore, delictum confiteri censetur, & perinde, acsi condemnatus fuisse, infamia notatur *l. Athletas* 4. §. fin. & l. seq. ff. de his, qui notant. *infam.* 2. Si quis sit contumax, & in Judicio non respondet, vel non rectè c. fin. b. tit. in 6. & l. contumacia 5. §. contumax 1. ff. de re judic. ubi tamen excipitur, qui ex causa non respondet; nam ut textus *ibid.* §. fin. ait, *Contumaces non videntur, nisi qui, cum obediere deberent, non obsequiuntur.* 3. Qui fugit, & Judicio post itemm cunctatam ita subducit *l. consiliarios* 3. c. de *Affessor.* & c. nullus 4. de *presumpt.* ubi Bonifacius Papa, *Nullus dubitat, inquit, quod ita Judicium nocens subterfugit, quemadmodum usq. absolvatur, qui est innocens, querit; confiteri enim de omnibus, quisquis se subterfugere Judicium dilationibus putat.* 4. Qui renuntiat hinc; talis enim ostendit se non habere jus, aut faltem credere se non habere arg. l. si *adversarius* 3. c. de *fid. instrum.* 5. Qui producit Instrumentum, vel *Re scriptum*: nam hic confiteri censetur ibi contenta; alias ad probationem eidem non deserviret, ut pote dubia fidei. 6. Qui ad Positiones ab Adversario allegatas à Judice respondere jussus tacet, aut obscurè respondet c. fin. cit. nam hic quoad eas Positiones pro confessio habetur. Neque refert, utrum omnino respondere detrectet, an verò obscurè respondet; nam ut bene Barbos, in c. cit. advertit, sic respondere est, quasi nihil respondisset. Plures alios modos vide apud alios DD.

4. Denique, & principaliter dividitur Confessio in *Judiciale*m, & *Extrajudiciale*m. *Judiciale* est, quæ fit in Jure, seu Judicio. *Extrajudiciale*, quæ extra illud. Præcipue de his agetur: unde

Quæritur 2. an reus in Judicio interrogatus de criminis respondere teneatur? 2. cum distinctione: Vel enim constat, quod Judex non interroget legitimè, vel constat, quod interroget legitimè, vel dubium est, an interroget legitimè, necne?

Si primum est, e.g. quia Judex interrogat reum de criminis, de quo nondum

est dissensus, nec alijs indicis ad sempli-
nam probationem gravatus, non tenetur
respondere, neque ex taciturnitate haberi
potest pro confessio; quia eo casu Judex
egreditur limites sua potestatis, & cons. in-
terrogat tanquam privatus.

Si tertium, iterum non tenetur
confiteri; quia in dubio melior est conditio
possidentis: & licet alijs presumatur Su-
perioris mandatum esse iustum, non tamen
in hoc speciali casu, ubi est coniunctum cum
damno gravissimo.

Si Secundum, aliqui cum Innocent. in c.
dudum 22. de elec. existimant teneri etiam
hoc casu reum interroganti Judicii respon-
dere, saltem si agatur in causa capitali de
damno viræ; quia, ut ajunt, præceptum
humanum, quale est Judicis, non solet ob-
ligare cum tanto damno: quod confirmari
potest argumento à minori ad majus; nemo
enim de Jure cogi potest, ut veritatem dicat
contra consanguineum suum. Ergo
multo minus, ut veritatem dicat contra se-
ipsum.

Hæc sententia, cum sati prob-
abilis sit, Confessarijs servire potest, quan-
do reus persuaderi non potest, ut crimen ult-
ro confiteatur. Ceterum contrariaj ju-
dico probabilioreti, quam etiam tenent S.
Thomas, Cajetanus, & alij communiter.
Ratio est, quia Reip. interest, ne crimina
maneant impunita: & correlativa sunt Ju-
dicem interrogare legitimè, & reum ad in-
terrogationem respondere debere; alijs ex-
igua Judicis authoritas foret.

Procedit responsio etiam quoad Posi-
tiones negativas, quæ aliter probari neque-
unt, nisi per confessionem Adversarij; licet
enim ejusmodi Positiones ex rigore Juris
Civilis admittenda non sint, cum ex stricto Jure illud tantummodo ponit possit, quod
potest probari, potest tamen quandoque Ju-
dex suadente sic æquitate, si ita expedire vi-
debitur, admittere, ut Positio hujusmodi ne-
gativa formetur ab Adversario e.g. Pono
verum, quod Titius privilegium nullum habeat
Ec. & tunc reus tenebitur respondere affir-
mativè, vel negativè: si affirmativè, illud
privilegium debet ostendere; quia tunc
reus quasi excipit contra Positionem Actoris.
Igitur tenebitur hanc suam exceptionem
probare: si negativè, alia probatione opus
non est, sed censetur reus confessus caren-
tiām privilegij, & ulterius proceditur in
Positionibus. Ita habetur c. statutus 1.
b. tit. in 6. & tradit *ibidem* Gloss. V. *Judices*,
Vivian, in ration. Barbos. n. 1. Schamb. hic
n. 7. & alij communiter.

Quæritur 3. an & quando Judex re-
um de se confessum interrogare possit de
socijs criminis? 2. regulariter, & or-
dinariè interrogare de socijs eum non po-
test, & si ita interrogatus de ijs aliquid
affirmat, confessio illa eisdem non nocet.
Ita Clar. §. fin. q. 21. n. 3. y. dictum Socij, Sabell.
§.

S. confessio n. 53. Vivian. in c. cum Monasterium i. b. tit. v. ad solum dictum, Laym. ibid. n. 1. Gonzal. n. 2. Barbos. n. 1. Vallens. hic n. 8. Zcel. n. 1. Engl. n. 21. Pirk. n. 23. & hoc teste communis omnium sententia. Patet ex Juris utriusque textibus: Canonici quidem car. fin. caus. 15. q. 3. c. veniens 10. de testib. c. cum Monasterium cit. Civili autem l. repeti posse 16. ff. de question. & l. fin. C. de accusation. Ratio est, tum quia confessus de se crimen in Judicio eo ipso sit infamis, & conf. à testimonio dicendo repellitur; tum verò maximè, quia ad id proni sunt mali homines, ut optent habere socios delictorum, & poenarum, & hoc vel ob odium, & inimicitias erga personam à se nominatam, quam volunt involvere eodem secum supplicio, vel ob spem, quam concipiunt impretratores se veniam, si alios suos complices nominaverint.

Dixi autem regulariter, Et ordinari; nam plures sunt casus, quibus interrogari criminofus de Socijs in Judicio potest. Et 1. quidem in criminibus, quæ in perturbationem, concussionem, & perniciem Reip. specialiter cedunt, ut crimen læsa Majestatis, Hæresis, Veneficij, Latrocinij, Sacrilegij, Falsæ monetæ, Afsalinij. 2. In criminibus occultis, & difficilis probationis, in quibus plerumque de veritate alter constare non potest, nisi per socios criminis; quia in his ob difficultatem probationis admittuntur etiam testes inhabiles, & leviora sufficiunt indicia. 3. In ijs, que sine socio non committuntur, cujusmodi sunt Sodomia, Stuprum, Adulterium, conspiratio in Principem &c. quia etiam haec ferè occulta, & difficilis probationis sunt. 4. In illis, quæ non sunt merè præterita, sed futuro tempore committenda cum damno Reip. vel etiam privatæ personæ, ut si aliqui conjurârunt ad prodendam patriam, vel hominem occidendum. 5. In alijs quibusunque criminibus, si socij aliunde jam sint diffamati, sintque alia contra eos probations, & iudicia. 6. Ubi consuetudo in quibusdam criminibus interrogandi potestatem indulget Judici. Sed Farin. prax. crim. q. 43. n. 123, huic Juris observantiam præfert: & meritò; quia ut l. sed licet 12. ff. de Offic. Prelid. dicitur, non tam, quid Romæ factum, sed quid fieri debeat, spectandum, & observandum est. Videntur Clar. v. dictum socij cit. Menoch. de arbitr. casu 474. à n. 18. Farin. q. 43. cit. à n. 56. Mafcard. de Probation. concl. 1318. Laym. l. cit. n. 2. Et seqq. Pirk. n. 24. Et seqq. P. Wiest. n. 22. P. Reiffenstuel n. 96. Et seqq. P. Schimier Proces. Judic. c. 8. à n. 52. cum alijs suprà citt.

Quæritur 4. quæ requirantur, ut in relatis casibus Judex reum, de se confessum, Juridicè interrogare possit de Socijs criminis, & reus sic confessus, & nominans so-

cios fidem faciat adversùm illos? Requiritur, ut Judex non interroget in specie, vel individuo de certa persona e. g. an Titius sit particeps criminis, sed in genere solum, an reus habuerit Socios. Laym. in c. 1. b. tit. n. 8. Pirk. hic n. 27. Wiest. n. 25. & alij apud istos. Ratio est, quia si in specie de aliquo interrogaret, id esset potius suggerere, quam inquirere. Excipitur, nisi jam altende de ejusmodi delicto suspecta esset persona aliqua; tunc enim posset Judex adversus illam instituire inquisitionem specialem; igitur poterit de ea etiam inquirere ex ipso reo. Vel nisi reus in Judicio jam confessus fuisset se cum socijs delinquisse; tunc enim, si nomina eorum reus non expressit, potest Judex ulterius petere, ut eos nominet; alias denuntiatio eorum in Judicio esset frustranea, & imperfecta.

2. Ut, qui socios criminis revelavit, hoc ipsum postea confirmet in tortura l. ob carmen 21. S. si ea 2. ff. de testib. Laym. l. cit. n. 11. Pirk. n. 28. Ratio est, quia reus ob confessionem delicti à se factam est infamis; infami autem non creditur sine tortura. Opus tamen erit, ut ejusmodi confessionem de socijs in tortura factam altera die in loco Judicij coram Notario, & testibus sponte, & sine tormentorum metu ratificet, prout raticandam principali delicti confessionem dicetur infra n. 11.

3. Ut Reus denuntiationem socij Juramento confirmet. Patet ex ff. Et C. de testib. & docet Laym. n. 9. Pirk. n. 29. Wiest. n. 26. Ratio est, quia si in Civilibus testi non creditur, nisi jurato, multo magis hoc procedit in criminalibus, cum in his exigitur clariora indicia, & probations. Neque obstat, quod reo etiam non jurato creditur; hoc enim verum est solummodo, quantum de se confitetur, non verò, quando depositit contra alium; tunc enim procedit universalis regula, quod ei, qui in Judicio deponit, vel afferit aliquid in prajudicium tertii, fides habenda non sit, nisi jurato. Excipe, nisi de praxi Curiae in aliquo loco denuntiatio sociorum à reo facta recipiatur etiam sine Juramento; tunc enim praxis illa servari potest, modo non tanta depositio ni sine Juramento factæ adhibetur fides, quanta adhiberetur, si confirmata Juramento foret.

4. Ut denuntians non habuerit inimicitias contra denuntiatum. Laym. n. 13. Pirk. n. 30. Wiest. n. 24. idque sumitur ex recepta doctrina, quod inimicus capitalis etiam in criminibus exceptis non admittatur ad testificandum. Ergo neque ad accusandum, vel denuntiandum: & hoc ob periculum, ne vindicta causâ denuntiet.

5. Ut denuntians in suis denuntiationibus contra socios criminis sit constans, & perseveret. Laym. n. 12. Pirk. n. 30. Wiest.

Wiest. n. 24. Hinc qui post præstatum Juramentum veritatis interrogatus de socijs criminis negavit se habuisse socios, postea verò in , vel extra torturam eosdem nominat, fidem non meretur ; sicut enim prius se mentitum fatetur , ita etiam nunc mentiri potest.

6. Ut reus de se confessus, præter illum criminis defectum, non sit aliunde inhabilis ad testificandum. Laym. n. 14. Pirk. n. 31. Wiest. n. 24. Ratio est, quia quod infamia ex crimine confessio non obstat reo, quin denuntiare socios possit , est exceptio exorbitans à Jure communi ; hujusmodi exceptions autem non extendi, sed strictè interpretari debent l. quod verò 14. ff. de Legib. & Reg. 28. in 6.

7. Ut denuntiatio hujusmodi à reo facta suffulta sit alijs conjecturis, & indicijs criminis, ob qua verisimilis fiat Laym. n. 15. Pirk. n. 31. Quare si reus tanquam sociam criminis denuntiet personam honestam, bonæ famæ, minime suspectam , denuntiatio ejus ipfi non obserbit, nisi cum denuntiatione concurrant indicia , & præsumptiones, que famam, & existimationem bonam, de persona denuntiata antea habitant, notabiliter superent. Poteft tamen eo casu, si ex confessione Rei in denuntiatum redundavit infamia aliqua, eidem denuntiato injungi à Judice, ut se cum tribus alijs ejusdem ordinis purget. Barbos. in c. 1. b. tit. n. 1. cum alijs : de quo infra Libr. V. Tit. de purgat. Canon.

10. Quæritur 5. quid universim requiratur, ut Confessio Judicialis effectum habeat, & præjudicet confitenti ? 11. plura passim apud D.D. inveniuntur requisita, quæ memoriae juvandæ gratiâ in versiculos sequentes collecta sunt.

*Major, sponte, sciens, contra se, est ius ubi,
Et hostis,
Certum, lisque, favor, jus, nec natura repugnet.*

Igitur 1. requiritur, ut Confessio sit profecta à majore 25. annis. Ubi plurimum refert, an minor sit infans, an infante major, sed adhuc impubes, an jam pubertatem adeptus. Si infans, etiam Tutoris autoritate accedente, confessio ab eo facta habetur pro nulla ; quia negotium, de quo interrogatur, non intelligit, & idcirco in Judicium vocari non potest §. sed quod 10. Inst. de inutil. stipulat. l. quicunque 4. ff. de in jus vocand. Si infante major, Et septimum jam egressus, sed nondum adeptus pubertatem fit, confessio ab eo facta sine tutoris autoritate non valet ; quia sine hac pupillus se obligare non potest : facta autem cum autoritate Tutoris ipso Jure quidem subsistit, sed lœlo succurritur per beneficium restitutionis in integrum l. certum 6. §. in

papillo 5. ff. b. tit. Si verò jam sit pubertatem adeptus , videndum, an habeat, vel non habeat Curatorem. Si habet, confessio ejus non aliter ipsi præjudicat, quam si Curator intervenerit ; tunc enim planè æquiparatur pupillo l. si Curatorem 1. C. de in integr. restit. minor. 25. ann. Si non habet Curatorem , confessio illi præjudicat , si facta sit extra Judicium , sed lœsus in integrum restituitur §. in pupillo cit. at si in Judicio facta sit , regulariter nulla est ; quia minor per se loquendo personam standi in Judicio non habet l. in rebus 2. C. quæ legit. person. stand. in judic. &c. Excipitur , quando agitur de momentanea possessione , vel rebus spiritualibus , & quæ his annexa sunt ; cum enim in hujusmodi causis stare in Judicio minor possit juxta dicta Tit. 1. n. 26. etiam super ijs facta ab eo confessio obtinebit , reservato tamen beneficio restitutionis in integrum , ut cum Abb. Lanfranc. &c. bene advertit P. Wiest. hic n. 3.

2. Ut fiat sponte , Et liberè, non vi, & metu extorta sit can. si quandoque 1. caus. 15. q. 6. ubi etiam dicitur, quod confessio, que ex necessitate fit , fidem non faciat. Et idem dicendum de eo , qui spe impunitatis sibi à Judice promissæ , vel alia fraude inductus delictum confitetur. Ratio est,

quia his casibus deficit presumptio , in qua vis propriæ confessionis fundatur , cum sepe ob vim, metum, aut etiam dolum quis testimonium contra seipsum perhibeat. Extenditur ad confessionem factam à reo in tormentis ; nam ut ista aliquid probet adversus reum sic confitentem , tria debent concurrere. 1. Ut constet de corpore delicti, i. e. quod revera illud delictum, de quo aliquis arguitur, factum sit : unde si reus fateatur in tormentis, quod alibi homicidium, vel furtum fecerit , in eo loco inquire debet, an aliquando tale homicidium , aut furtum ab aliquo factum sit. 2. Ut contra torquendum gravia habeantur indicia. 3. Ut torrunt, seu meru in conspectu tormentorum confessus persistat in confessione. Dicitur autem in confessione persistere , qui, quod antea in tortura fassus est , altera die ad bancum juris , ut vocant , seu locum publici Tribunalis ductus , & extra tormentorum conspectum positus confessionem repeatat l. quis 2. C. de custod. reor. Hac nisi concurrent , confessio etiam in tormentis facta non præjudicat confitenti l. 1. §. 17. 23. Et 27. ff. de question. & l. quæ in carcere 22. ff. quod met. caus. Abb. in c. fin. n. 11. Et 12. b. t. Wesenbec. ff. cod. n. 3. Marrant. de Ordin. Judic. p. 6. membr. 10. at. 14. n. 15. Engl. hic n. 17. Pirk. n. 5. König n. 9. Wiest. n. 4.

3. Ut sciens confiteatur, h. e. ut confessio procedat ex certa scientia , & non ex errore. Ubi tamen distingui debet, utrum sit error juris, an facti : item an cul-
pa

pabiliter commissus , vel inculpabiliter , & si culpabiliter , an ex culpa lata , an verò ex levi , vel levissima . Si error crassus sit Juris clari , aut facti proprij recentis , regulariter confessio nocet confitenti , nec eam revocare licet ; quia non præsumuntur hæc ignorari . At si inculpabilis sit error , præcipue facti , confessio usque ad sententiam revocari potest , dummodo ejusmodi error facti ante latam sententiam ostendit , & probari posit . Hiltrop . Process . Judic . p . 3 . tit . 17 . § . que requirantur &c . n . 20 . Wesenbec . ff . b . t . n . 3 . Vivian . in c . 3 . eod . Val lens . hic n . 9 . Zœl . n . 4 . Pirh . n . 7 . Engl . n . 16 . König . n . 7 . Sannig . c . 2 . n . 2 . Wiel . n . 5 . & conitat ex c . fin . b . t . l . non fatetur 2 . ff . eod . l . error 8 . & l . seq . ff . de J . & F . J . l . quamvis 1 . & l . error . 7 . C . cod . Idem dicendum , si facta sit confessio , non ex proposito , sed calore iracundia , & universum de quacunque confessione falsa ; nam ejusmodi confessio non valet , nec præjudicium confitenti affert . Marant . de Ord . Jud . p . 6 . tit . de confession . n . 10 . Hiltrop . n . 23 . Wesenbec . n . 7 . Pirh . n . 9 .

4. Ut confiteatur contra seipsum ; nam confessio unius criminosi in Judicio adversus alios socios criminis facta , sive sponte facta illa sit , sive ad interrogatiōnēm Judicis , non admittitur , nec probat adversus illos , nisi laborent infamia de hoc , vel simili crimine , aut ad sint indicia aliqua , vel aliud genus probationis : imò regulariter & ordinariè prohibitum est utroque Jure , ne reus in Judicio interrogetur de socijs criminis , prout dictum est supra n . 5 .

5. Ut confessio fiat , ubi Jus est , i . e . coram Judice competente sedente pro Tribunal . Duxi 1 . coram Judice . Hinc confessio Judicialis non est , quæ fit coram Arbitrato ; est autem Judicialis , quæ fit coram vero Arbitro , sive deinde arbiter Juris illa sit , sive compromissarius . Marant . tit . de confess . cit . n . 31 . Mafcard . de prob . concl . 348 . n . 14 . & 15 . Haun . tom . 5 . tr . 3 . n . 508 . Pirh . bic n . 2 . Wiest . n . 8 . & ratio est , quia arbitrator non cognoscit ut Judex , ita autem cognoscit verus arbiter : & hinc l . compromissum 1 . ff . de recept . qui arb . dicitur , quod arbitria ad similitudinem Judiciorum redigantur . Similiter Confessio Judicialis non est , quæ fit coram Notario extra Judicium , etiam præsente altera parte , si Judex non adsit Marant . n . 30 . Hiltrop . à n . 4 . Barbos . in c . fin . b . t . n . 8 . Pirh . bic n . 2 . & ratio est , quia Notarius non habet potestatem recipiendi tales actus Judiciales sine mandato , & commissione Judicis . Quodsi tamen coram Notario causa apud Protocollum confessio facta sit , Judicialis etiam dici , ut Hiltrop . n . 5 . obseruat , ex recepta consuetudine poterit , additique rationem ; quia plerumque actus legitimi , qui

in Judicio coram Judice expediuntur , etiam coram Notario hodie expediri possunt , & eandem vim habent . Duxi 2 . coram Judice competente ; nam sicut sententia irrita est , quæ fertur à Judice incompetente , ita & confessio coram eodem facta e . at si Clerici 4 . princ . de Judic . Hiltrop . S . cit . n . 10 . Wesenbec . ff . b . tit . n . 5 . Perez . C . eod . n . 6 . Engl . n . 14 . König . n . 17 . Wiest . n . 3 . Habebit igitur hujusmodi confessio , coram Judice incompetente facta , vim tantum extrajudicialis confessionis , quæ non plenè probat . Duxi 3 . coram Judice sedente pro Tribunal ; quia ea communiter Judicialis dicitur , quæ fit in Jure l . un . C . b . tit . jus verò dicitur ibi esse , ubi judicandi gratiæ Judex sedet l . jus 11 . ff . de J . & J . Excipitur , si causa non requirat plenam cognitionem ; nam in Summario Judicio valet confessio extra Tribunal facta : imò usu receptum est teste Hiltrop . n . 4 . cit . quod Judex non solum in preparatorijs , sed etiam in decisorijs possit extra Judicium , & domi suæ partium responsiones recipere , licet sententiam ferre non possit , nisi in loco Judicij .

6. Ut confessio fiat præsente Adversario ; hic enim Hostis nomine in versibus n . 10 . allatis intelligitur . Sufficit autem , si adit confessioni hujus Procurator , habens ad hoc speciale mandatum , ut habetur l . certum 6 . & si quis 3 . ff . b . tit . ubi ratio indicatur , quod non soleat quis absenti condemnari . Procedit autem hoc solum de Jure Civili ; nam de æquitate Canonica parte absente facta confessio valet , & plenam fidem meretur . Abb . in c . fin . b . t . n . 16 . Honor . bic n . 10 . Engl . n . 12 . König . n . 20 . Wiest . n . 9 . Ratio est , quia in confessione de Jure Canonico consideratur deliberatio & veritas , quarum neutram præsentia Adversarij auget , vel absentia ejusdem minuit . Imò etiam de Jure Civili confessio absente Adversario facta valet , & plenam fidem meretur in duplice casu . Unus est , quando ejusmodi confessio , parte absente facta , à Judice , vel etiam alio nomine absensis in judicio acceptatur , & postea ab absente ratificatur . Perez C . b . tit . n . 7 . Zœl . ff . eod . n . 4 . Wiest . bic n . 9 . Schambog . n . 2 . Alter , si relata sit in Protocollum , vel aliam scripturam , quæ postea Adversario communicetur ; cum enim Scriptura semper loquatur , non tantum Judici , sed etiam parti adversa confessus esse censabitur , ac proinde confessio hæc plenam faciet fidem , ut advertit Abb . in c . fin . cit . n . 15 .

7. Ut sit de Re certa quoad substantiam , & quantitatem l . certum 6 . pr . ff . b . tit . Gloss . ibid . V . certum , Hiltrop . l . cit . n . 11 . Perez C . b . tit . n . 8 . Wesenbec . ff . eod . n . 4 . Brunnem . in l . certum cit . n . 1 . Zœl . bic n . 3 . Sannig c . 2 . n . 2 . Wiest . n . 6 . Ratio est , quia confessio parit sententiam . Ergo sicut hæc certa debet esse , ita & confessio .

Confessio incerta igitur confitenti non præjudicat : interim tamen, si ita suadet ratio , & de substantia ex confessione liqueat , confessus urgeri potest, ut certum confiteatur l. certum cit. §. s. quis 2. & DD. citt.

¹⁵ 8. Ut fiat in Judicio ; hoc enim Litis nomine significatur. In hoc distinguitur Judicialis Confessio ab Extrajudiciali.

9. Ut non sit facta in favorem confitentis ; nam in favorem confitentis facta regulariter loquendo non habet vim probations l. rationes 6. C. de probat. quia sicut nemo Judex, ita nec testis potest esse in propria causa ob fidem suspectam.

10. Ut sit de re , quæ neque rerum naturæ , neque Juri adversatur : qualis esset confessio, quæ quis fatetur Titium esse filium , qui tamen majoris est ætatis, quam sit ipsemet , vel si quis confiteatur se occidisse hominem, qui adhuc vivit l. confessionibus 13. ff. de interrog. in Jur. fac. l. inde 23. §. fin. ff. ad Leg. Aquil. qui confessio debet esse veritabilis. Inde sit, quod, ubi crimen relinquit vestigium , nunquam procedatur ad executionem , utcunque reus confessus illud , vel de eo etiam convictus sit , nisi , ut supra n. 11. mouui, prius de corpore delicti constet : & hinc quando aliquis fatetur de homicidio, prius inquiritur de cadavere , vel si furtum quis confiteatur , indagatur , an revera tale furtum in tali loco, sicut assertur , commissum sit &c.

Addunt aliqui 11. cum Wieseb. ff. b. tit. n. 5. & Perez C. eod. n. 8. ut fiat cum expressione cause , quod alias facta non videatur ex certa scientia , sed potius ex abrupto. At verius expressio cause non exigunt. Abb. in c. fin. cit. n. 14. quia facta Judice prefente , deliberato animo , & non nisi de re certò cognita facta præsumuntur.

¹⁶ Quæritur 6. an Confessio Judicialis requirat sententiam definitivam Judicis, quæ ferri debeat contra confessum in Judicio? Celeberrima haec quæstio est apud DD. nec tamen hodiecum ita discussa adhuc, ut quænam opinio verior sit, satis liqueat.

Prima sententia negat requireti sententiam : quod probat varijs Juris Civilis textibus ; nam l. passim Leges dicunt confessum in jure haberi pro condemnato l. confessus 1. ff. b. tit. l. un. C. eod. l. sicut 4. C. de repud. vel abst. hered. 2. l. post rem iudicatum 56. ff. de re judic. confessio æquiparatur rei iudicatae ; & l. certum 6. §. fin. ff. b. tit. dicitur , quod quadrimestre tempus , quod datur iudicatis, itatim currat à confessione. 3. l. proinde 25. in fin. ff. ad Leg. Aquil. dicitur , quod nulle sint partes judicandi in confitentibus.

Altera sententia , & longè plurimum affirmat definitivâ opus esse, & probat hoc. 1. Ex l. Julianus 3. ff. b. tit. ubi dicitur confessum condemnandum esse, quia pro iudicato habetur. 2. Ex l. de qua re 74. ff. de

Judic. ubi habetur , quod Judex , qui cognovit de causa , debeat quoque super illa pronuntiare. 3. Ex l. fin. C. de execut. rei judic. ubi confessi , & convicti per probationes æquiparantur , & statuitur , in utroque si condemnati fuerint , executionem debere fieri. 4. Ex c. cim super 2. b. tit. ubi qui se Simoniacum in Judicio confessus est, jubetur per sententiam definitivam ab omni Beneficio, & Officio deponi.

Tertia, & probabilius utitur distinctio¹⁷ ne inter causas Criminales , & Civiles. Quoad causas Criminales facile omnes tertie illius sententia Doctores convenient , quod contra confessum requiratur sententia definitiva , sive præcedat confessio contestationem litis , sive sequatur: quod satis patet ex c. cim super cit. & l. si confessus 5. ff. de custod. & exhib. reor. Ratio est est 1. quia in criminalibus , nisi alia criminis indicia adsint , confessus pro condemnato non habetur , tum ob maximum periculum vita , tum ob incertitudinem penæ irrogandæ. 2. Quia Rei aliquando non tam facinorum conscientia , quam mortis cupidine, todiisque vita , aut carceris, metuque tormentorum contra se sentit. 3. Quia ad poenam , exceptis Censuris , & Irregularitatibus , & poenam in incestuosum conjugem lata , ante sententiam non datur obligatio arg. c. cim secundum 19. de Hæret. in 6. Ita Perez C. b. tit. n. 3. Brunnem. ibid. n. 7. Zof. ff. eod. n. 10. Honor. hic n. 35. Schambog. n. 10. Wiest. n. 12.

Quoad causas Civiles non convenient , DD. nam aliqui cum Marant. tit. de confess. n. 26. indistinctè negant in his causis sententia opus esse, ex ratione, quia in illis non vertitur tantum præjudicium, quantum in criminalibus : ut proinde in his confessus haberi pro iudicato posset juxta l. citt. pro negativa sententia , & tempus , quod ei datum est iure , ad executionem solum , sive solutionem assignatum esse sit iudicandum, prout innuit l. si debitori 21. ff. de Judic. Sed probabilius loquuntur , qui distinguunt inter confessionem factam ante contestationem litis , & inter eam , quæ facta est post contestationem litis. Si facta sit ante contestationem litis , concedendum non requiri sententiam definitivam , sed sufficere præceptum Judicis de solvendo juxta l. si debitori cit. & l. un. C. b. tit. Si vero post contestationem , dicendum , quod adversus eum , qui post item contestatam primum confessus est , requiratur sententia condemnatoria. Ita Abb. in c. fin. h. tit. n. 18. Perez C. eod. n. 2. Brunnem. ibid. n. 6. P. Wiest. hic n. 13. propter expressos textus c. præterea 10. de transact. ibi : Ex confessione contra eos sententia procedere debeat. l. Julianus 3. & l. qui Stichum 5. ff. hic , quibus confessum condemnandum diserte assertur. Idem persuadet ratio ; quia Judicium semel coe-

cōceptum sententiā terminandum est , & Ju-
dex , de qua causa cognovit , super eādem
pronuntiare debet *l. de quare 74. cit.*

19. Neque contrarium probant Argumenta p̄cedentium duarum Opinionum. Secundæ argumenta nostræ servijunt ; neque enim ante contestationem litis Judicium datur. *Ad 1. argumentum prime senten-
tie dico* , confessum pro judicato , & condemnato propriè non haberi , ut cum alijs notat Abb. n. 18. cit. & indicat *l. confessus* cit. ubi additur *Quodammodo* , quod impro-

prietatem denotat. *Conf. ex ratione* ; quia nemo seipsum aut judicare , aut condēnare potest. *Ad 2.* id intelligendum sub data distinctione inter confessionem , quæ facta est ante , & post contestationem litis. *Ad 3.* cum dicitur , quod in con-
fidentes nullæ sint partes Judicis , subintelli-
gendum est , *Nisi in condemnando* , i. e. nisi ut confitentem condemnem ; quia confessione hac legitimè facta , Judex ulteriori inquisi-
tione , & cognitione opus non habet. Pe-
rez n. 2. cit.

§. II.

De Effectibus Confessionis , & ejus Revocatione.

SUMMARIUM.

- 40. 21. 22. 23. 24. Effectus Confessionis Judi-
cialis.
- 25. 26. 27. 28. Effectus Extrajudicialis Con-
fessionis.
- 29. 30. 31. 32. Confessionis Sacramentalis.
- 33. 34. Qualificatio.
- 35. 36. 37. 38. Fâde in testamento , vel in
articulo mortis.
- 39. 40. 41. Depositæ contra Socios criminis.

*Q*Uæritur 1. qui sunt Effectus Con-
fessionis Judicialis ? *W. varij*
afferuntur , ut videre est apud Marant. *de Ord. Jud. p. 6. tit.*
de confess. à n. 21. Hiltrop. *p. 3. tit. 17.* S. de effect. *Judic. confess.* Pirk.
bis n. 19. König *a n. 24.* Wiest. *n. 11.*

Et 1. quidem est plenissima proba-
tio , ita ut supereret , & infringat omnes al-
lias probationes factas p̄terentes , & instru-
menta in favorem confitentis contrarium c.
diligenti 7. de prescript. c. dilecti 2. de Capell.
Monach. l. confessus i. ff. & l. un. C. b.t. Rota
Rom. in Nov. p. 3. decif. 758. n. 2. & decif.
191. n. 12. p. 4. tom. 1. decif. 157. fin. Et
propterea non est mirum , quod per eam ab
onore probandi relevetur actor , cūm nulla
sit probatio melior , quām proprij oris con-
fessio : ut proinde utilissimè admittatur in
Judicio , cūm per eam veritas controversiae
sine longioribus ambagibus eruatur. *Excipi-
tur* , nisi quod aliquis confitetur , tale sit ,
ut simul ceat in præjudicium Reip. ut si do-
minus Jucci contra aliquem inquirenti de
furto dicent , se non fuisse invitum ; cūm enim
enim Reipintersit crimina non manere im-
punita , aërtioni ejusmodi non creditur in
Judicio , ni is , qui abstulit , fuerit amicus ,
vel res abla exigui p̄teret , aut alia indicia
pro eo cocurrant. Hoc tamen in eo casu
operator iusmodi Confessio , ut si con-
tra reumatur ex meris præsumptionibus ,
ipsa maximū præsumptionem pro eodem
faciat , ita ut tali casu reus non possit tor-

- 42. Fâde à Procuratore.
- 43. Antecessore , & Prelato Ecclesiæ.
- 44. 45. Tacite nolentis respondere ad Positio-
nes Adversarij.
- 46. 47. Confidentis crimen in Judicio inciden-
ter.
- 48. 49. 50. 51. Quando possit revocari confessio
in Judicio facta ?

queri , licet aliàs adessent sufficientia indicia
ad torturam , ut post Bartol. Alex. & alios
docet König *bis n. 10.* & ratio est , quia præ-
sumptio contra reum per contrariam præsum-
ptionem ex confessione partis laſæ eliditur.

2. Inducit notorium per c. vestra 7. *de cohabit.* Cleric. & mulier. Hinc vi-
am appellationi p̄cludit c. pervenit 13. &
c. seq. de appell. l. observare 2. C. quor. appell.
non recip. Estque hoc verum , et si con-
fessus quis sit sponte , ac voce propria , licet
convictus non sit : neque refert , an causa ,
de qua agitur , sit civilis , an criminalis , ut no-
tant Abb. *in c. cùm speciali 6. 1. §. porro n. 5. de*
Appellat. Covar. pral. qq. c. 23. n. 5. concl. 2.
Hiltrop. §. cit. n. 12. Pirk. bis n. 19. Schamb. *n.*
9. *Excipitur casus , quo reus confessio-*
nen in Judicio factam ex causa revocavit ;
tunc enim nihil obstat appellationi.

3. Tollit præsumptionem Juris , & 22
de Juſe , ita ut etiam si alliæ probationes con-
tra hujusmodi præsumptionem non admittantur , admittatur tamen contra illam proba-
tio in contrarium per confessionem partis.
Marant. *p. 6. tit. de confess. n. 22.* Mâscard.
concl. 344. n. 3. Hiltrop. *l. cit. n. 6.* Pirk. *bis n.*
19. Schamb. *n. 3.* König *n. 26.* Wiest. *n. 11.*
& ratio est , quia propria confessio for-
miflamm pro se præsumptionem veritatis ha-
bet ; cūm enim nemo præsummat verita-
tem fareri contra seipsum , nisi coactus , si fa-
teatur , id , quod fatetur , meritò haberi pro
vero debet.

4. Locum invenit etiam post conclu-
sio-